

”17-nik ukiulinnut biilernermit allagartamik misiliutigalugu tunniussisarnissaq pillugu nalunaarut” 2017-mi januarip ulluisa aallaqqaataani atuutilersoq akuerissaneripput pillugu apeqquteqaat allaavigalugu oqallinnissamik siunnersuut.
(Inatsisartuni ilaasortaq Randi Vestergaard Evaldsen, Demokraatit)

Akissuteqaat

(Ineqarnermut Attaveqaqatigiinnermullu Naalakkersuisoq)

Naalakkersuisut sinnerlugit Inatsisartunut ilaasortaq Randi Vestergaard Evaldsen, Demokraatit, 17-inik ukiulinnut biilernermit allagartartaartitsisarnissaq pillugu apeqquteqaat aallaavigalugu oqallinnissamik siunnersuuteqarneranut qutsavigaara.

Kalaallit Nunaanni danskit angallannermit inatsisaat ”Færdselslov for Grønland” atuuppoq. ”17-inik ukiulinnut biilernermit allagartamik misiliutigalugu tunniussisarnissaq pillugu nalunaarut” danskit angallannermit inatsisaat naapertorlugu atulersinneqarpoq. Taamaammallu nalunaarut Kalaallit Nunaanni atulersinneqarsinnaanngilaq.

Atorfilittat akornanni suleqatigiissitamik danskinik kalaallinillu ilaasortalimmik, Kalaallit Nunaanni angallannermit inatsimmi biilernermit allagartaqanerup nalorninartuinik misissuisussamik pilersitsisoqarpoq. Angallannermit inatsip allanngorsinnaanissaanut periarfissat taamaalillunilu 17-inik ukiulinnut misiliutitut biilernermit allagartartaartitsisinnaanerup Kalaallit Nunaannut eqqunneqarsinnaanera periarfissaanersoq, suleqatigiissitap aamma misissussavaat.

Biilernermit allagartartaarnerup 18-inik ukioqarluni pisinnaanera naleqquppoq, piffissami tassani inuusuttoq inersimasutut nammineersinnaassuseqalertarmat. Danmarkimi misiliilluni aaqqiineq malillugu 17-inik ukiullit biilernermit ilinniartut inersimasumik ukiualunni biilernermit allagartaqarsimasumik biileqateqartussaataapput. Misiliineq taanna pillugu Danmark nalilersuisoqartussaavoq. Naalakkersuisut kissaatigaat misiliilluni aaqqiineq Kalaallit Nunaanni atorneqalissanersoq aalajangiiffigisinnaajumallugu nalilersuineq utaqqineqassasoq.

Naalakkersuisut sinnerlugit oqallilluarnissamik kissaassivunga, partiillu isumaasa tusarnissai qilanaaralugit. Isummersuutit nunatsinnit suleqatigiissitami sulinermit ilanngunneqassapput.